

Fjölbrautaskólinn í Garðabæ
b.t. Kristins Þorsteinssonar skólameistara og
Skólabraut
210 Garðabæ

Ólafsfirði 2. september 2015

Efni: Beiðni um úrskurð vinnumatsnefndar vegna vinnumats dagsett 25. ágúst 2015

Ágreiningsefni

Við komumst ekki að niðurstöðu varðandi starfsbrautarkennslu. Ef við förum eftir sýnidæmum þá fáum við niðurstöðu sem er talsvert lægri en áður var með 17% álagi. Mjög erfitt er í okkar tilfelli að segja til um einingaffjölda. T.d. er kennarinn með einn tíma sem er aðeins 50 mín. Það gæti reiknast sem 62,5% af einni einingu. Það getum við ekki sett inn. Önnur kennsla fellur ekki heldur að einingum.

Við sendum með hvernig við settum inn einn kennara sem kennir 25 kennslustundir eins og það var talið í gamla kerfinu fyrir álag. Jafnframt sendum við inn upplýsingar um hvað eru margir í hópum og hversu margir kenna hverjum hóp. Í einhverjum skelltum við saman hópum hjá henni þar sem fjöldinn var sá sami. Þannig að eitthvað sem var þrjú hópar varð að einum hóp. Gættum þess auðvitað að staðin kennsla væri rétt og allt hlutfallslega reiknað. Á sérblaði eru allir hópar taldir upp. Best væri fyrir okkur að þið reiknuðuð þennan kennara upp eins og þið teljið rétt og getum þá notað hann sem sniðmát. En auðvitað er það undir ykkur komið hvernig þið nálgist þetta.

Hlutverk vinnumatsnefndar er m.a.:

að skera úr ágreiningi um vinnumat námsáfanga einstakra skóla sem skotið er formlega til hennar af skólameistara eða kennara til úrskurðar. Niðurstaða vinnumatsnefndar skal liggja fyrir eigi síðar en 14 virkum dögum eftir að henni barst erindið að því tilskildu að því hafi fylgt fullnægjandi gögn en ella svo fljótt sem verða má. Náist ekki samkomulag í vinnumatsnefnd um ágreining um vinnumat námsáfanga sem til hennar hefur verið vísað skal hún innan 7 virkra daga frá því að sú niðurstaða liggur fyrir, vísa málinu til úrskurðarnefndar.

Vinnumat framhaldsskólakennara byggir á reikniverki sem verkefnisstjórn um vinnumat framhaldsskólakennara hefur umsjón með og starfar vinnumatsnefnd 3 í umboði þeirra og fjallar um kennslugreinarnar félagsgreinar, íþróttir og starfsbrautir.

Með ósk um úrskurð fylgdu eftirfarandi gögn:

- Reikniverk um einn kennara
- Sundurliðun á kennslu kennarans

Í sundurliðun á kennslu kennarans eru tilgreindir 13 hópar í mismunandi kennslugreinum, sumar með sama nafni en engu áfangaheiti. Einnig fundur með nemendum og umsjón – lífsleikni sem álykta má að eigi að tilheyra B þætti í vinnumati kennara ef ekki koma til frekari skýringar. Í reikniverki er áfanganúmer nefnt SIGGA1, SIGGA2 upp í SIGGA6. Flokkun í reikniverki og flokkun á sundurliðun um kennslu kennarans ber ekki saman og því ekki auðvelt að skilgreina hvort ræður skilgreiningu á kennslu kennarans. Leiða mætti líkum að því að SIGGA1 sé áfangi með eigin kennsluáætlun og námsmat en slíkt kemur ekki fram í ósk um úrskurð. Samhengi á milli kennslunnar og reikniverks í þessu tilfalli er því óskilgreint.

Afgreiðsla:

Í nýju kerfi byggir einingamat á vinnu nemandans en vinnuframlag nemanda á starfsbraut getur verið með öðrum hætti og hefur þar með áhrif á verkefnayfirferð og staðnar kennslustundir. Getur jafnvel verið mismunandi hvernig það er gert innan eins skóla með samkomulagi kennara og skólameistara. Ekki kemur fram hvernig það samkomulag er í FG.

Ekki er ljóst af gögnum hvort námsáætlun, skipulag og vinnumat er bundið af þeim faggreinum sem kenndar eru eða hvort SIGGA1 og aðrir áfangar sem upp eru gefnir í reikniverki, hafa sitt eigið skipulag og samsett úr greinum sem upp eru taldar. Ekki skiptir máli hvort kennslustund er 50 mínútur eða einhver önnur tímalengd.

Niðurstaða

Vinnumatsnefnd 3 er ekki unnt að skera úr um hvort reikniverk með útreikningi á vinnuframlagi þess kennara sem um ræðir er rétt eða ekki þar sem forsendur sem reikniverkið gengur út frá vantar.

Óski aðilar eftir því að vinnumatsnefnd 3 skeri úr um vinnumat vantar eftirfarandi upplýsingar:

- skýringu á kennslugreinunum „Fundir“ og „Umsjón – lífsleikni“ og staðfestingu á að þær eigi við í A hluta reikniverksins
- útskýringu á samhengi milli þeirra greina sem kenndar eru og áfanganna SIGGA1, SIGGA2 o.s.frv.

Virðingarfyllst



Lára Stefánsdóttir

formaður vinnumatsnefndar 3